




kai.komp.

24819


Mag. St. Dr.

P



24819

I



1948

13

S

P

C

Xu

1948
1392

24

JOACHIMI PASTORII
DE PRÆCIPUIS BENEFICIIS ET
SUCCESSIBUS
^{QVIBUS}
DIVINA GRATIA
S. REGIAM MAJESTATEM
ET REMPUBL. POLONIÆ UNIVERSAM
NEC NON
PRINCIPES POPULOSQ. FÆDERATOS
ANNO M DC LIX
DECORAVIT

BIBLIOTHECA
BIBLIOTHEKI
XX-CZYSTORYSKICH

0342

ORATIO
IN CELEBERRIMA PANEGYRI.
PRÆSENTIBUS
CÆSAREIS. REGIIS, ELECTO-
RAL. LEGATIS
HABITA
GEDANI
XIII. JANUAR. ANNO M DC LX
INEUNTE



TYPIS
PHILIPPI-CHRISTIANI RHETII.

X^o Hist. pol. 6540.

ILLVSTRISSIMIS, REVERENDISSIMO, EXCEL:
LENTISSIMIS D.D.D.

AD. PACIS. TRACTATUS.
LEGATIS.

S.^Æ CÆSAREÆ. MAJEST.^{IS}

FRANCISCO CAROLO. S. ROM: IMPE-
RII. COMITI. DE. COLLAVRATH. DOMINO. IN. REICHENAU
S. CÆS. MAJESTATIS CONSILIARIO. CAMERARIO. MAJO-
RIS. JUDICII. PROVINCIALIS. ASSESSORI. REGIO. LO-
CUM TENENTI. REGIARUMQ. APPELLATIONUM. PRÆSIDI. IN. AR-
CE. PRAGENS.

FRANCISCO DE LISOLA, A THISE ET
MARIENFELD S. CÆS. MAJESTATIS. CONSILIARIO. CAME-
RALI. AULICO.

S.^Æ REGIÆ MAJEST.^{IS}

POLONIÆ. ET. SUECIÆ

UT. ET. REGNI. MAGNIQUE. DUCATUS. LITHVANIÆ. &c.

JOANNI COMITI A LESZNO PALATI-
NO. POSNANIENSI. S. REGINALIS. MAJESTATIS. MARE-
SCHALLO. GENERALI. MAJORIS. POLONIÆ. MARIEBUR-
GENSI. CORSUNENSI. PRÆFECTO.

GEORGIO COMITI IN VISNITZ S. ROM.
IMP. PR. SUPREMO. REGNI. EIDEMQ. CAMPI. MARESCHALLO
GENERALI. MINORIS. POLONIÆ. CRACOVIANSI. SCZEPUSI-
ENSI. CHMIELNIC. NISINENSI. PEREASLAVIENSI. OLSTI-
NENSI. CASIMIRIENSI. GUBERNAT.

NICOLAO IN PRASMOVV PRASMOVVSKI,
SUPREMO. REGNI. CANCELLARIO. NOMINATO. EPISCO-
PO. LUCEORIENSI. ABBATIE. SIECECHOVIENSIS. PERPE-
TUO ADMINISTRATORI. PRÆPOSITO. CRACOVIANSI.

CHRI

CHRISTOPHORO PAC, SUPREMO MAGNI. DUCATUS. LITHVANIÆ. CANCELLARIO. VILKOVIENSI KOZIENICENSI. CLESCZELENSI. OSTRINENSI. &c.

JOANNI ANDREÆ MORSZTIN, DE RACIBORSKO. REFERENDARIO. REGNI. COVALIENSI. ZAVICHOSTENSI,

VLADISLAVO DE NAGLOWICE REY THESAURARIO. CURIÆ. REGNI. S. REGIN. MAJESTATIS. CANCELLARIO. NEOCORCINENSI. LIBUSSIENSI.

JOANNI IN GNIN GNINSKI, SUCCAMERARIO. PALATINATUS. POMERANIÆ. GNESNENSI. GUBERNATORIBUS.

SERENISSIMI ELECTORIS
BRANDEBURGICI.

JOANNI AB HOVERBEEKE IN EUCHME-
DIEN. BARANOW. GEIERSWALDE. DOMKOW. &c. &c. DOMINO. ET. HÆREDI. SERENISS. ELECTORIS. BRANDEBURG. CONSILIARIO. STATUS. INTIMO. ELECTORATUSQUE. DAPIFERO. HÆREDITARIO. HOHENSTEINENSI. PRÆFECTO.

LAURENTIO CHRISTOPHORO A SOM-
NITZ, IN. GRUMSDORF. ET. DRENOW. &c. &c. DOMINO ET. HÆREDI. SERENISS. ELECT. BRANDEBURG. CONSILIARIO. STATUS. INTIMO. ET. ORIENTALIS. POMERANIÆ. CANCELLARIO. EJUSDEMQUE. DUCATUS. CAMERARIO. HÆREDITARIO. LAVENBURGENSI. ET. BITOVIENSI. PRÆFECTO.

ALBERTO AB OSTAW IN NARPKEN &c. &c. DOMINO. ET. HÆREDI. SERENISS. ELECT. BRANDEBURG. IN. SUPREMO. PRUSSIÆ. DUCALIS, APPELLATIONUM. JUDICIO. CONSILIARIO.

ORA

ORATIONEM

DE. PRÆCIPUIS. ANNI. M. DC. LIX. NEGOTIIS.
SUCCESSIBUSQVE

S. REGIÆ MAJESTATIS
TOTIUSQ. REI PUBLICÆ
ET FÆDERATORUM

AUGUSTO. TOT. MAGNORUM. CAPITUM. CONSESSU. HONORATAM.
ANIMISQVE. BENEVOLENTISSIMIS. AUDITAM.
NUNC. EJUSDEM. FAVORIS. ET. PATROCINII. FIDUCIA.
MAGNUM. ORBIS. ERUDITI. NEC. UNIUS. AULÆ. THEATRUM,
INGREDIENTEM.

EA. QVA. PAR. EST. REVERENTIA. ET. CULTU.

DO DICO DEDICO


JOACHIMUS PASTORIUS, D. MED.
ET HISTOR. S. REG. MAIESTATIS
PROFESSOR GEDANI HONORARIUS.



MAGNI IMPERATORIS, MAGNI REGIS, MAGNI ELECTORIS
LEGATI,

DOMINI ILLUSTRISSIMI, REVERENDISSIMI,
EXCELLENTISSIMI,

ORACULA PRINCIPUM, PRINCIPES CONCILIORUM ET BELLO-
RUM, MUSARUM MÆCENATES,
VIRI ILLUSTRES, PL. REVERENDI, MAGNIFICI, GENEROSI,
VIRI AMPLISSIMI, CLARISSIMI, SPECTATISSIMI,
SPLENDIDISSIMA ET OMNI OBSEQUIO, CULTU, HONORE DI-
GNISSIMA AUDITORUM CORONA.



Ost adoratum supre-
mum Numen, sine quo nihil
eritè, nihil auspicatò procedit
mortalibus, primo omnium mi-
hi veniam dari obsecro, si in hoc
tam illustri theatro dicere ordi-
enti obstupescere forsàn animus, & tum vultu ani-
mi indice, tum verbis quodammodo luctantibus hor-
rorem fateri videatur. Circumfudit me inusitatus
huic loco splendor, nec inficior, conspectis tot sideri-
bus extra sphæram suam, & nempe circa hanc ca-
thedram undiquàq; lucentibus, me rapi extra me, &
nec fronte nec linguâ, nec oculis satis competere.
Neq; tamen mero pavore ita me credi velim at-
tonitum. Etsi enim is quoq; me non nihil sollicitat,

A

quan-

quando, quos alloquor, inspicio, mecumq; reputo,
quàm firma hîc requiratur memoria, quâ nunquã a-
deo valui: quàm delicata dictio, cujus me expertem
sentio: nō eò usq; tamen externatus sum, quin agno-
scere & judicare possim, astra ista, quæ me circum-
fulgent, magna quidem & summè illustria, sed eadē
quoq; summè benigna ac propitia esse, adeoq; haud-
quaquam formidanda. Verum enimverò admira-
tio est, reverentia est, lætitia est, quæ me stupore in-
solito, & veluti sideratione quâdam percellit. Ad-
miratione abripior, cum aliàs in sede Musarum dice-
re assvetus, nunc Heliconem hunc nostrū in quod-
dam quasi palatium Regium, dicam liberius, in O-
lympum novâ aliquâ metamorphosi vertisse video,
meq; adeò, præter morem, stare in medio Deorum,
& universo eorundem tacente concilio, solum loqui,
omniumq; in me oculos, aures, animosq; conspicer
esse arrectos. Jure hînc reverentia simul animum
subit, qualis quemlibet hominem decet, qui aut Prin-
cipes, Dei in terris vicarios, aut vicarios Principum
Legatos alloquitur. Accedit præterea ingens vis
lætitia, quando honorem considero, qui hoc die li-

teris

teris
cula
lus
stru
gauc
ejus
publ
ant
mal
Pier
cent
adar
tur
intu
sed
fave
aliis
& D
host
& ip
grat
& li
tem,

teris contingit, cum magna mundi capita, cum oracula Principum, sepositis interim, quibus publica salus innitur, curis sublimibus, Athenæum hoc nostrum ingredi voluere. Ac tanto magis exuberat gaudium, quod quæ hic splendere video, sidera sunt ejusmodi, ut Illustre lumen suum ad inveniendam publicæ Pacis ac tranquillitatis viâ pronissimè cupiant commodare. Pacis autem filia sunt Musæ nostræ, malè convenit illis cum bello, quoniam illæ fontes Pierios, hoc sanguinem appetit, illæ honestatem docent, hoc ut plurimum evertit, illæ liberale otium adamant, hoc quietam omnia perturbat. Nihil igitur Deabus istis contingere potest jucundius, quàm intueri hic magnos magnorum Principum ministros, sed eosdem jam pacis feciales, paulo post, si Cælum faverit, Angelos pacis futuros. Assedit hic equidem aliis Senatoribus magnis, sed togatis, potens filius & Dux Bellonæ: sed idem, exutis tantisper armis, hosti metuendis, Martiâq; positâ severitate, nostris & ipse Musis benignissime se hîc attemperat, plenū gratiis vultum, plenum amore erga literas, plenum & literis animum ostendens. Quod pulvinar autem, quam aram, tantis Nutriciis & Vindicibus suis

pōnent Musæ, quo libamine eorum benevolentia litabunt? Non habent aliud, quod offerant, quàm sacrificiū labiorum, atq; illud ita offerunt, Illustriss. Domini, ut qui hīc splendidissimæ & virtuti & dignitati Vestræ paratur honor, eum bonâ pace vestrâ, in Regis Regum honorem quàm maximè cupiant redundare. Sequar eâ in re opportunitatem temporis hujus, quo & templa, & palatia, & fora, parietes deniq; publici & privati bonis ominibus ac votis circūsonuere. Eodem officio mihi quoq; publicè jam defungi fas erit: atq; hinc, ut tanto acrioribus stimulis ad mutuas gratulationes excitemur omnes, proximi anni cursum, quem juxta cum Sole emensi sumus, gratiâ & comitate Vestrâ animosus, remetiari, novum genus fastorum conditurus, cum quemadmodum diebus mensibusq; annum describere Astro nomi solent, ita ego spatia ejus, singularibus Dei beneficiis, ceu oculiferiis maximè splendidis, maximè augustis, signabo. Nec tamen nisi ea cæli munera commemorabo, quæ ad publicam Regni universi, totiusq; adeò Orbis Christiani salutem pertinent. Privata quisq; domi secum memorimente revolvat, & grato erga Deum ore deprædicet. Huic quod

ex

tiæ li-
um sa-
f. Do-
gnita-
trâ, in
nt re-
poris
es de-
circû
ê jam
stimu-
s, pro-
nfi su-
etiar,
emad-
Astro-
Dei be-
aximè
unera
iversi,
nent.
olvat,
quod
ex

ex tantis Orbis luminibus constat, Auditorio non ni-
si publica & tam latè scilicet, quàm foedera nostra
patent, diffusa convenire videntur. Neq; enim la-
tet, necessitatem publicam & communis curam salu-
tis multos ingentes Principes populosq; cum Serenis-
simo Rege & Regno nostro sociasse, & esse hanc
tam arctam necessitudinem, ut quæ singulis illorum
divinitus contingunt bona, ea in nostras acceptorum
tabulas jure referamus, æquè pro illis in Deū grati, ac
si nobis contigissent. Unde adeò nemini mirum
jam videbitur, si quos foederum sanctitas copulavit,
eos oratio nostra non sejungat: potiùs verò, lætam
dicendi messem, undecunq; jure potest, collectura,
per multas sese Orbis ditiones, provincias & Regna
circumferat; itura alicubi per rosas, itura etiam
per spinas, eâ tamen, quantum fieri maximè pote-
rit, cautione, ut cum censor severus alia forsan hîc,
quæ culpet, reperturus sit, (scio enim nec Jovem ip-
sum omnibus placere posse;) modestiam tamen &
decentem veri curam nemo æquus, & ne hostis qui-
dem, nisi idem & æquitati & humanitati ipsi hostis
esse velit, desiderare meritò possit.

Cæterum ritè atq; ordine rem aggressurus;

jurè à summo Capite nostro ordimur, Serenissimmo nimirum Rege, Domino D. nostro clementissimo. Qui singulari divini Numinis favore, annum præterlapsum, recuperato feliciter Thorunio, inter laureas triumphales, Serenissimâ Reginâ comitatus, inchoavit. Quæ tum vota pro Serenissimâ Majestate Utrâq; ad Deum misimus, eorum insigni Divinæ gratiæ autoramento, damnatos nos esse lætamur. Inter prima vota erat prospera valetudo Regia, quippe in quâ vertitur cardo publicæ salutis. Exauditi sumus, & memorabili Dei beneficio Regia Majestas Utrâq; annum hunc integrum inoffenso sanitatis tenore transegit. Nihil illam gravissima curarum perenniū, nihil indefinentium laborum catena, indivulsa alioquin Regalis fastigii, his inprimis temporibus, comes, debilitavit.

Valetudini etiam fortuna ut plurimum respondit. Etsi enim illa non omnibus prorsus momentis æque risit (ecquæ enim mortalibus, etiam potentissimis, sine aliquâ acerbitatis mixturâ contingit felicitas?) favit tamen semper, adeo ut & vetera mala, quibus domum Regiam & Rempubl. universam diu satis nec perfunctoriè exercuit, optatis successibus

bus
rum
mita
flam
eade
dare
part
ita r
gvir
ret:
tura
DE
intel
patie
lis.
mus
S
præc
Inco
tante
Sigil
fuiC
nio a

bus nunc excusasse quodammodo videatur. Nimirum explicat se jam cælum, immissas esse illas calamitates, partim ut fides & Virtus, velut injectis auro flammis, tanto fulgidius exsplenderet, partim ut eadem, quasi incussis robustæ Illici bipennibus, solidaretur, atq; ab ipso duceret opes animumq; ferro: partim deniq; ut eadem illa mala, prout oneri erant, ita remedio nobis essent, fustumq; adeo plethoræ sanguinem, ne luxuriaret, & ne suâ sibi mole gravis foret: datum deniq; nobis Hidroticum ingens, ut nocitura gnaviter exsudaremus. Utinam sanantis nos DEI mentem recte intellexerimus atq; etiamnum intelligamus, ne peccatis amplius nostris fatigemus patientiam cæli, ne & ipsum nos denuo fatiget flagellis. Neq; enim unquam post calamitates verè erimus felices, nisi post flagella fuerimus meliores.

Sed qui erga Rempl. Numinis favor, idem erga præcipua Reipubl. Capita, Senatūq; universū eluxit. Incolumem enim servavit, & non nisi paucos ex tanto numero passus est implere legem mortalitatis. Sigillum equidem Regni non adeo dudum alterum sui Custodem, virum ut splendore natalium, ita ingenio ac prudentiâ maximum amisit, inq; eo Sereniss.
Rex

Rex noster magno consiliorum & promo-condo &
interprete, Illustriss^{us}, verò & Reverendiss^{us}. Regni
Cancellarius (quem ut præclarissimè de Republ.
merentem Senatorem diu superesse superi velint)
conjunctissimo Collegâ orbat^{us} est, Sed eadem, quæ
tanti viri mater fuit, & hunc filiū gravissimè adhuc
mæret, Arbor, Arbor antiqua, arbor generosissima,
ex semet ipsâ supplevit ingens vulnus, inventusq; est
in illa Ramus aureus, qui jacturam publicam, sum-
mo & Regiarum Majestatum solatio & Regni toti-
us levamine sarciret. Univerſa profectò Polonia
gratulatur sibi & cum plausu fatetur, in tanto ma-
gnorum Virorum proventu, digniorem huic Atlanti
socium, ferendoq; isti quasi cœlo consiliorum aptio-
rem Herculem reperiri non potuisse.

De domestico regimine, salvisq; ejus Colūnis obi-
ter nobis gratulati, jure ulteriùs ad Socios & Amicos
Regni ad S. Cæsareâ Majestaté ad Sereniss^{im} poten-
tissimosq; Reges & Principes mittimus oculū. Quos
pariter omnes hunc annum incolumes transegisse,
est profectò, cur plurimùm gaudeamus. Si quid e-
nim sinistri vel in unū fæderatorum sibi permisisset
fatum, multùm utiq; turbatæ rationes publicæ, neq;
modi-

modicè omnis luxata consiliorum fuis set compages.
Sed memorabili Dei beneficio omnes illi sospites,
& ipsa fœderum vincula illæsa mansere. Jam sup-
plices veneramur æternum Numen, ut perennita-
tem addat muneribus suis, adeoq; tum Sacram
Regiam Majestatem, cum Serenissimâ Reginâ,
tum omnes Principes Fœderatos unâ cum Im-
perio, Regnis & provinciis quàm diutissimè florere
velit. Servet porrò Causæ nostræ vindices Al-
cidas, servet publicæ rei Poloniæ Lithvanicæ &
innexarum provinciarum Camillos, Lælios, Scipi-
ones, Valerios. Idem prout hætenus Urbi huic,
ejusdemq; Magnificis Capitibus, & juxta membris
universis gratiâ suâ inter res ancipites atq; inter
summa sæpè discrimina adfuit, ita porrò cælitùs
omnigenæ virtutis robur servet augeatq; & per-
petuam optatæ felicitatis constantiam largiatur.
Hæc generatim sed animitùs precati, jam ad sin-
gula DEI beneficia, quibus hoc anno elapso for-
tuna Poloniæ nostræ effloruit, accedemus, ituri
per summa rerum fastigia, quia accurata omnium
narratio justo Historiæ operi debetur. Atq; ut
ab ipso anni illius exordio incipiamus, id equidem
longè omnium auspicatisimum futuris successibus

pulcherrimè prælusit. Quò enim die clayiger anni
Janus novum redeunti Soli curriculum aperiebat,
eò favor Divinus, eò efficacissima pariter et feli-
cissima Regiarum Majestatum præsentia, eò Illu-
strissimi Mareschalli & Ducis exercituum imper-
territa Virtus, primum Prusfiæ claustrum Thoru-
nium, Poloniæ nostræ, manum validam sociante e-
xercitu fœderato, reclusit. Quanti res momenti-
tum effecta sit, docuerè plausus, docuère gratula-
tiones, quæ illo tempore per Prusiam nostram
perq; omnes successibus nostris faventes terras
latè exsonuère. Cæterum quia & provinciam
hanc universam belli calamitas exhauserat, & mi-
litem nostrum per duras autumnii tempestates in
ipsam usq; hiemem Thorunii fatigaverat obsidio,
tanto magis post occupatum illud & militi à labore,
& Prusfiæ à milite danda videbatur respiratio.
Ne & ille, & hæc inopiâ annonæ prorsus elangve-
sceret. Quæsitæ igitur sunt militi hyberna extra
Prusiam, relicto Thorunii & in aliis oppidis pedi-
tatu, cui viri & generis & militiæ decoribus præ-
signes Butlerus Generalis vigilum præfectus, &
Grothusius Tribunus primarius, super omnes au-

tem

tem Christophorus Grodzicius, Castellanus Kio-
viensis idemq; Generalis rei armamentariæ magi-
ster præfuit. Tanti nominis mentio vulnerat
omnium, ut video, animos, quia nuper ah! desiit
vivere, quem diutissimè vivere publicæ rei inter-
erat. Amisit fidelem ministrum, fidelem sui vin-
dicem Rex Serenissimus, amisit magnum collegam
Senatus, magnum bellatorem militia, magnum a-
micum Illustrissimus Mareschallus, magnum decus
Polonia universa. Grandem in illo indolem edu-
catio non mollis, tum generosus juventæ ardor,
per terras peregrinas, per labores varios, per om-
nes militiæ gradus, transegit, eandemq;, post de-
posita bello Turcico tirocinia, sub Magno Ko-
niecpolscio Prussia, sub Valstenio Duce Germania
exercuit. Inde revocatum, ut tanto majorem e-
laboraret virum fortuna, mirificè agitavit, nover-
cam prorsus simulans, cum tamen mater esset. Per
ipsas enim ærumnas belli carceresq; hostiles ido-
neum effecit, qui olim publicis Regni calamitatibus,
ut magnum columen & præsidium, opponi posset.
Prima ei vincula rebellium Cosacorum perfidia
injecit: quibus se non alia ratione expedire potuit,

quam fugâ ad Tartaros. Terribilem fuisse servitutum oportuit, cui à Scythis quæsitum est remedium. Inde amico Religiosi viri Patris Hilarii Carmelitæ ministerio redemptum Cannæ Batovienses denuò Tartaris reddiderunt, felice miserâ, quòd contracta ante inter Tartaros amicitia servavit penè unum, cum alios omnes Duces, ferè & milites omnes, crudelitas hostilis hausisset. Iterum ab eodem Monacho exemptus est vinculis, ut mox afflictam & paulò post penè in vincula euntem Rempublicam cum cæteris Camillis servaret. Minabatur huic catenas Moscus cum Cosacis ex Rusfiâ, minabatur alteras ex Germaniâ Gothus. Prior ille plus quam centum viginti millibus hominum Leopolin, & in eâ nostrum hunc Bellatorem, tum jam armamentario Regni totius præfectû, obsedit. Hic noster cum tantum exercitum per decem pene hebdomadas incredibili virtute represisset, invictâ tandem constantiâ suâ victum hostem ad amicitiam pertraxit, idq; eo tempore, quo transmarina tempestas Rempubl. nostram inundaverat. Calamitas alioquin fugare amicos solet, hic calamitas eos, qui capitales florentibus nobis inimici fuerant, oppressis fecit amicos.

Nimi-

Nimirum per mera miracula servare Serenissimas
Majestates & Rempubl. voluit DEus, ut ipsi soli
gloria tanti beneficii deberetur. Illo jubente factū,
ut quod antehac venenum Regno fuerat, postea es-
set remedium: illo jubente factum, ut contra Chri-
stiani & sanguinis cognati hostes gens Christiani
sanguinis inimica primum afflictis ferret auxilium,
Chamus certè Tartarorum, at quantus olim hostis
Poloniæ! tum militiam nostram extra fidei orbitas
prolapsam minis revocavit ad obsequium, tum
Chmelniciū minùs jam aut certè infelicitè repu-
gnantem, in verba extorris adegit Majestatis, hancq;
ipsam per misum à defuncto nostro familiarem Vale-
rianum Morstinium Centurionem nunc Vice, Trib.
animavit, effecitq;, ut ea & suis animi Regii, & per-
petuis Serenissimæ Reginae stimulis, consilio item
Procerum ab epidemii erroris labe intactorum ob-
secuta, non cederet fortunæ irasci visæ, non cede-
ret hosti irato, sed & hunc & illam constantiâ supe-
raret. Divinum hoc consilium fuisse, agnovit postea
eventu judice Orbis, fassusq; est, cælitùs erigi fortu-
næ Regiæ MANIPULUM, cælitùs Poloniam
defendi. Eodem tempore idē hic noster defunctus,

præter Leopolin, ubi is reversum deinde excepit
Serenissimum, Camenecense & Samoscianum in fi-
de servavit præsidium. Exin militia etiam cætera
resipuit, & conspirans mox undiq; Polonia concus-
sit lacertos, excusit imminens humeris jugum, inq;
plenam se libertatem, DEO auspice, asseruit, no-
stro hoc inter cæteros Hæctoras, fortissimam ubiq;
operam connavante, uti tempore suo historia ple-
niùs docebit. Nunc enim beatis tantùm Ca-
stellani nostri Manibus qualemcunq; honorem
præter viam exhibituri, pauca hæc ab alto repetere,
atq; obiter hic delibare voluimus; ut tanto clarius
appareat, cur Senatoris istius mortem adeò & Se-
renissimus Rex & Principes Reipubl. Viri, & om-
nes qui illum, omnes qui Rempubl. norunt, tam
vehementer doleant. Jam in Prusiam nostram
reverti debebam, quam superiori hyeme Serenis-
simus Rex & supremus Regni Mareschalcus illu-
strissimo huic Castellano tuendam commiserat.
Sed illuc properanti interponit se mihi Dania fæ-
derata, & potissimùm Princeps ejus Civitas, quam
tempore eodem communis noster hostis calidis-
simo consilio, acerrimoq; impetu expugnare con-
tendit,

10
cepit tendit, in eo velut compendio & Serenissimum
in si. Daniæ Regem, & omnem sanguinem Regium, om-
etera nem Senatum, florem nobilitatis, insignia, orna-
ncus- menta, & opes Regni omnes oppresurus. Sed
, inq; felice Serenissimi Regis præsentia, tum ductu stre-
, no- nuisimi Schakii, nec non illustris Thalassiarchi
ubiq; Baronis Vassenarii, fortissimè represus, ac clade
a ple- æternùm memorabili mulctatus recessit. Avo-
n Ca- cant me fortissimorum Sarmatarum nostrorum fa-
orem cinora, in penitissimis Cimbrici soli recessibus Duce
etere, Stephano Czarnecio Palatino Rusiæ, Bellatore
larius laudatissimo, summo fæderatorum nostrorum fru-
& Se- ctu, summo Poloniæ ornamento patrata. Inpri-
om- mis autem avocat me maximarum ut virtutum,
tam sic ditionum Princeps, Serenissimus Elector Bran-
tram deburgicus, qui Holsatiam, Jutlandam, & proce-
renis- dentibus cum tempore victoriis, inaccessam Alsen
s illu- exercitu fæderato, & suo, hostibus eripuit, si Nep-
ferat. tunus vela submisisset, Daniam totam iisdem ere-
a fæ- ptam redditurus Regi suo. Cæterùm cum omnia,
quam quæcunq; summa fortitudo, dexteritas, & pruden-
lidis- tia agere potest, istic egisset, tandem hostem in
con- proprio ejus cubili quæsiturus Pomeraniam victri-
endit, cibus

cibus copiis aggressus est, & gemino Sacrae Cæsareæ Majestatis exercitu, præeunte uno, altero comitante succinctus, universam hanc, quasi torrente quodam Martio corripuit. Occupatum primò Duce Suchio Barone, Grifenhagium est, occupatum deinde Damum, oppidum longè firmissimum, & ipsius Stetini velut antemurale. Occupatae insulae Volinum, & Isendomia. Capta item viribus conjunctis multa alia, nec parvi momenti loca. Urbes etiam majores partim eminùs, partim cominùs, obseptæ sunt penè omnes. Potiri autem omnibus præsertim ingenio situs, & industriâ artis adeò mirificè munitis, tanto prætereà præsidio, tanto nobilium agrestiumq; concursu defensis, nullius deniq; rei necessariæ egentibus, non erat unius anni opus, non utiq; anni in hyemem jam præcipitantis. Cæterum omnes tamen gravissimam vim Martis intimè persensere, ipsa etià Princeps regionis Civitas acerrimè oppugnata ac plerisq; jam nudata propugnaculis, in manibus deniq; suis stantem conspexit hostem, & ægerrimè, nec sine præsentissimo periculo, victrices manus effugit. Interim si uno ictu tanta Arbor non cecidit, iterato, nisi pax aliqua inter-
venerit,

venerit, cadere potest. Quos primi impetûs fervor non perdomuit, diuturnitas tandem belli lassabit. Alimenta, aliâq; & vitæ & belli præsidia dies ipsa consumet. Non semper etiam eruptionibus pariter securitas custodum aut casus favebit. Interea habent jam Fæderati satis magnum expeditionis suæ, habent laborum, molestiarum, adversitatû etiâ pretium. Tenet Serenissimus Elector cum alia non pauca oppida, tum inprimis Damum, ingens antehac Stetini propugnaculum, nunc frænum, tenet Demminum, fortissimum Pomeraniæ claustrum, & validum adversus Vismariam aliâq; loca hostilia, munimentum. Nec hoc equidem citra Martium sudorem cessit victori. Operosâ ab Electoralibus cinctum obsidione, naviter quoq; ab hoste defensum est. Non enim præsidium duntaxat animosè obessoribus restitit, sed & missæ Vismariâ suppetiæ abstrahere illos, & sic porrò obsessis auxiliari tentavêre. Sed omnis & præsidiariorum industria, & auxiliariorum conatus frustra fuit. Pervicit laudatissimî Ducis Electoralis Sparrii vigilantia, dexteritas, fortitudo, pervicit militum ejus alacritas, & constantia; adeoq; tandem in Serenissimi Electro-

ris manus traditus est locus, qui multorū prudentiū
judicio maximi æstimatur. Qui iidem certè, duobus
his Pomeraniæ propugnaculis, Damo, & Demmi-
no expugnatis, plus omnino obtentū, quam Stetino
non expugnato amissum arbitrantur. Omnia hæc
equidē, prout in Holsatia, Insulis Daniæ, inq; ipsa tan-
dem Pomeraniā gesta sunt, commemorare hic pos-
sem. Sed aut nimis angustis spatiis strangulandæ res
tantæ, aut nimiā prolixitate fatiganda tam Illustris
Auditorum corona foret. Itaq; illa alii reservare
tempori, meæ autem orationi molē, quàm gratiā mi-
nui malo. Nunc verò domum rediens, quæ Prussia
nostra egit & passa est, brevissimè narrabo. Cum, ut
dixi antehac, post Thoruniū recuperatū, militiā eque-
strē cura annonæ per Poloniæ hyberna distribui jus-
sisset, eā occasione illectus hostis novas ex Pomer-
aniā copias adduxit, quibus & Regiæ & Electorali
Prusiæ aliquantisper, nonnullo quidem damno no-
stro, at nullo fructu suo insultavit. Quin ostendit even-
tus, haud aliud facilè consiliū toto hoc bello nequiū
ei evenisse. Nihil enim solidi in rem suam hīc tū ef-
fecit, & paulo post didicit, in id potissimum adductū
ā se militem, ut hic vel Marte nostro, vel tabe spon-

taneā

taneā
data
to fac
vere
ruit h
ripuē
Lipst
sed eo
spont
erino
puit a
cendi
rum
& igr
ere co
nabar
invitu
ni op
tiā aq
ex m
trepic
diis n
his fl
ūs eff

taneâ consumeretur. Pomerania verò interim nudata milite, Fæderatorum nostrorum violentiæ tanto facilius patuit. Verũ primis aliquot mensibus favere illi aliquantum visa est fortuna, neq; statim apparuit hamus latens sub illâ quasi escâ felicitatis. Corripuere nimirum in illo æstu Choiniciam, Culmam, Lipstadium, Salfeldum, Stargardiam, Derfaviam, sed eo eventu, ut quicquid corripuissent, vel vi vel sponte paulo post redderent, velut confessi, se id tueri non posse. Nostram quoq; Urbem circumstrepuerunt armis suis, & excitato in proximis agris incendio, plures ejusmodi ignes minatus est. Nimirum hostis noster, ut maximè omniũ noceret, aquâ & igni ita nobis interdixit, ut aquâ & igni nos obruere conaretur. Aquâ primum perniciem nobis minabatur, cū positis Vistulæ, ipsiq; Naturæ obicibus; invitum flumen in nos detorsit, aggeres vero flumini oppositos demolitus est, ut tanto procliviùs licentiâ aquarũ inundaremur. Sed sensit ille, sibi à nobis ex mediis etiam aquis vultum atq; animum æquè intrepidum obverti. Sensit idem pariter, ignes de prædiis nostris extructos nulli alii rei serviisse, quàm ut & his flammis lucentibus fides nostra tanto splendidius effulgeret.

Prusfiæ porro nostræ eadem illa hiems calamitatibus similem reddiderat Curlandiam, atq; etiam, si recte rem expendimus, multò infeliciorem. Jam ante Provincia illa orbata erat Celsissimo Duce suo, qui inter Reges dimicantes medius, Ducem militiæ transmarinæ, quem amicum sibi crediderat, hostem subito expertus est; Et illaudabilis istius Viri astus Principi securo, tum Serenissimæ ipsius conjugii, & Soboli omni, cunctis præterea Provinciæ Primoribus, primariam Ducum sedem, præter opinionem omnium, in carcerem vertit. Postea captivos Principes cum omni familiâ in solum alienum mittere placuit, deductumq; est miserabile agmen Rigam primum, paulò post Narvam, deniq; Ivanogrodiam, locum à nominatissimo Moscorum Tyranno nomē, sono ipso horribile, habentem. Sed hæc nolo hic exquisitius persequi, partim quia ante ingressum anni superioris facta sunt, & propositi mei lineas excedunt: partim, ne res miserandas memorans, accersitis dolorum facibus orationi meæ lumen credar accendere voluisse. De Provinciâ ipsâ, sæcundâ semper fortium virorum parente, facere non possum, quin aliquid addam. Ea tum ad primam capti Principis sui
iamam

famam, incolas equidem omnes, præsertim Eques-
tris Ordinis, in publicæ libertatis vindicias excivit.
Sed novo magnam partem, & tumultuariè arma-
to exercitui regimen decens, & proinde ut in regi-
mine incerto, fieri solet, concordia defuit. Quæ res
Comiti Duglassio ex Arce Mitaviensi in omnes
occupandæ provinciæ occasiones excubanti, tantò
patientiore janua fecit votum suum consequen-
di. Progressus ille vicina primum oppida, paulo
post, cum sine ordine palantes incolarum copias
carptim subinde attrivisset, universam Curlandiam
occupavit, Lithvanicis exercitibus, qui alioquin labo-
ranti vicinæ lubenter opem tulissent, & post ea ge-
nerosè feliciterq; tulerunt, circa Moschum lacertos
tum moventibus. Sed quomodo tandem occupa-
tor Curlandiæ Duglassius, eadem ex cedere coactus
sit, paulo post, si temporis angustia patietur, me-
morabimus.

Nunc ex Curlandiâ in mediam Poloniâ, &
nempe â sago ad togam, ex campo tendimus ad Co-
mitia, solenne remedium, quo morbis suis mederi
Respublica nostra consuevit. Si quæ autem unquam,
hæc certè, quæ Anno superiore habita sunt, varie-

tate & ponderè negotiorum implicatissima, adeòq;
præter solitum per tres integros menses extracta fu-
ère, magnâ molestiâ S. Regiæ Majestatis, magnâ
Senatûs totius, magnâ Equestris ordinis, cui tum
director contigerat vir prælustri & ingenio dexter-
rimus Joannes Gninsky, Succamerarius Pomera-
niæ & Gnesnensis Præfectus, nunc Illustrissimorum
Pacis Fecialium Collega. Præcipuè verò in Cosa-
corum negotio publica æstuârunt consilia. Qui non
multo ante cum Regno, novis magnisq; autoramen-
tis, conciliati, delegatos jam miserant stabiliendis
conciliationis pactis. Sed hi tum arduis maximè
postulatis sollicitabant Rempublicam; atq; inprimis
sacra inter Romani Græciq; ritûs Ecclesias vincula
rumpere minabantur. In re tantâ igitur mirificè
hæsitavit Respublica. Neq; deerant, qui ob istius-
modi difficultates minus felicem Comitii exitum,
novasq; ex Russiâ turbas ominarentur. Sed idem
ille, qui Rempubl. inter extrema sæpè discrimina ser-
vaverat, Deus, ostendit nunc quoq; filium, cujus au-
xilium illa hoc se Labyrintho expediret. Atq; inter
alia adminicula, quæ publica omnium ordinum pru-
dentia conquirit, plurimùm profectò contulit fidu-
cia,

cia, quam Cosaci erga Illustrissimum Cancellarium
Magnū, dexteritate, comitate & munificentia ejus
deleniti, conceperant. Et sic tandem sine satis opta-
bili soluta sunt Comitiae. Jam ad alias Regni no-
stri prosperitates properanti magna adhuc & pe-
riculosa Regno attingenda est tempestas, ut tanto
clarius liqueat, quā magno nobis constiterit, &
quā diras nubes secuta sit fortunæ serenitas, quæ post-
ea eluxit. Exercitibus nostris uti mala Reipubl.
& tot undiq; coorti hostes plurimum dederant ne-
gotii, ita stipendia militiæ ob egestatem publicam
minus rectè processerant. Inde fremebat miles, &
inter publicæ patriæ damna, sua esse maxuma ra-
tus, indignabatur, non iusta modo præmia laborū,
sed & necessaria penè vitæ præsidia deesse iis, qui-
bus vitam Respubl. videretur debere. In hyber-
nis potissimum fervebant querelæ & consilia male
contentorum: nec unquam negotiosior quam in il-
lo otio erat confœderatio. Bellicis igitur Regni
Ducibus negare obsequiū turbidi, constituere inter
se capita cæpère, scribere deniq; leges, speciosas qui-
dē & quæ nihil adversū Serenissimo Regi & Regno
viderentur sapere, multum tamen è Republicâ pe-
terent.

terent. Quò compositior, quò coloratior, eò formidabilior erat secessio. Malo autem surgenti Rex Serenissimus omni decorâ ratione mederi studebat, sociabatq; operam Serenissima Regina, æquè dextrum nempe laboris & munificentiae in sedandis Patriæ filiis eventum sibi pollicens, quàm antehac in rebellibus Cosacis ad obsequium redigendis erat experta.

Nihil intentatum relinquebat Senatus, nihil grandes Viri à Rege & Republ. singulariter delecti ad hoc negotium, & huic soli sat longum tempus, non sine grandi molestiâ & impensâ, gratificati. Cum nihil ibi profectum foret, à Comitibus tandem quæsitum est remedium. Deliberavit super tam difficili morbo Resp. universa, sed & singulari DEI benevolentia, in medio deliberationum æstu, ab ipso exercitu adversus exercitum ingens alexiterium, ingens solatium accepit: cum omnes peregrinae armaturæ milites, magna profectò & conspicua militiæ nostræ pars, in facie Reipubl., legitimis exercituum Ducibus obsequium ore, Illustris Tribunum & Succamerarii Kioviensis Stephani Nimericii sanctè promitterent, illis autem vicio creatis

Directo-

Directoribus renunciarent, stipendiorum deniq;
solutionem & ipsi quidem poscerent, ita tamen, ut
& patientiam moræ, & interim prona semper in
Reipubl. usum defensionemq; studia sua alacriter
offerrent. Plurimum istâ tot millium armatorum
Capitum submissione recreabatur Respubl., pluri-
mumquoq; eadē, utfructuosissimi consilii sui fætu,
lætabatur illustrissimus Marefchallus. Hujus u-
tiq; potissimum amore & reverentiâ isti omnes,
aut certè pleriq;, peccare in matrem Remp. recu-
saverant. Et idem hic, præter istos, alias quoq;
turmas tum dexteritate suâ, tum magnificâ opum
suarum impensâ, à secessionis contagio servaverat
intactas. Ac harum quidem exemplo cæteros
quoq; tandem ad obsequium redituros sperabat.
Sed illi veterum postulatorum pertinaces, vix tem-
perarunt sibi, quin à patriâ exsuccâ sangvinolenta
stipendia gladio extorquerent, & quamvis postea
destinata eorum pessima melioribus tandem con-
siliis, vel potius propitio in Rempubl. fato cederent;
tamen opportuna & bono publico utilissima tem-
pora inani cunctatione perdiderunt. Ducem in-
terim Salus Reipubl., maximus magni istius animi
D stimu-

stimulus, maxima cura, movit, ne inflexiles illos expectaret. Quicquid igitur usquam militiae Polonae sincerum manserat, contraxit, ivitq; Deo & Rege auspice fretus, comitatusq; auxiliaribus Caesareae Majestatis copiis, quas Generalis vigilum Praefectus Hesterus, vir militiae decoribus eminens, ducebat, in Prusiam nostram, jam dudum desiderio ipsius penè tabescentem. Hic ordinatis ritè rebus, & strictâ in eos, qui perperam interim rem gessisse comperti essent, acie disciplinae militaris, hostem, quem oppidis incubantem aperti Martis aleam sciebat declinaturum, nidis suis excutere statuit, atq; inprimis compedes laxare Vistulae impositas. Prima vis armorum Grudentum circumsonuit, oppidum antiquum, Vistulam praeterlabentem ex alto monte despiciens, à Cruciferis olim muro & Arce eminentissima, postea verò ab hoste variis operibus, & quingentorum praeter propter militum custodiâ munitum, ita ut id festinantem ad majora fortissimum Ducem aliquantis per sistere posse videretur. Sed cum caelum suffragatur, frustra muri, frustra propugnacula, frustra manus Martiae obsistunt virtuti. Admovet Illustrissimus Mareschallus oppido exercitum,

citum, struit more militari accessus, quibus impune
ad ipsa hostis munimenta pervadere, struit sugge-
stus, unde fulminare in locum obsesum posset.
Tam propè suggresus tandem est, ut rectè atq; or-
dine videretur facturus, si cominus propugnacula
adoriretur, & vi sibi faceret viam in oppidum. Dum
id agitur, jacti interim artis fulminatricis industriâ
vastissimi & ignem circumquaq; vibrantes globi.
Illiduntur illi, quâ ars vel fortuna tulit, culminibus,
fragmenta tectorum & sua longè lateq; spargentes.
Utinam his ictibus ut in tecta ædium & muros, sic
in animos obsessorum penetratū esset: effectumq;,
ut curæ isti habuissent, tempestivâ submissionē im-
minenti sese discrimini eximere. Sed fatum su-
um nemo maturus effugit. Miserrimi incolæ, seu
suâ, seu alienâ obstinatione occæcati, certè ne servare
se quidem Suecis invitis ausi, clausere sibi januam
salutis, quam Optimi Principis benignitas clausis
aperuit. Missus enim ab illo tubicen, qui dedentibus
se veniam offerret, spretus & parum honorificè di-
missus est. Exin quod tubâ pacis efficere nequit,
tubo iterum Martio commissum est. Nec multo
post, velut compendio rem conficere volente fortu-

nâ, contigit, ut globaliqui, supremâ Urbi nocte, in fanum sub tecto servatum inciderent. Ibi concepta, attamen clausâ adhuc flamma, fumo primum monuit obsesores, ut in locum eundem plures ejusmodi globos, sed & aliò simul alios ejacularentur. Quod cum facere Pyrotechnitæ, quâ cuiq; visum, certarent, colluxit undiq; oppidum, & brevi tempore ita invaluere flammæ, ut quantum quantum esset, totum in pyram videretur conversum. Incendiis istis, ut quisq; facile conjicit, exterior oppidi defensio non parùm mox refrixit. Certè non incolæ tantùm, sed & milites nonnulli, non adeò quidem ad ignem restringendum, sed ad servandas potius res suas discurrere. Interea jussu Ducis, in valla & propugnacula undiq; eluctatur miles obsessor, intrat oppidum, cædit obvios, spoliât domos, facit deniq; quod in Urbibus expugnatis facere victoriæ ardor solet. Atq; eò hîc excusatioer erat, quod quæ auferrentur, non civibus, sed flammis subduci, servariq; adeò videbantur, quæ nullo cujusquam fructu ac commodo peritura erant. Cœterùm in oppido ipso, & si ignis quidem non priùs penè cesfaret, quàm cum non haberet.

haberet amplius, quod depasceret, hostilitas tamē
in Cives, simul cum nocte cessavit, sistente eam
edicto Magni Mareschalli. Qui fortunam muni-
cipii miseratus, gratias Deo agebat, quod tanti mo-
menti locum sine multo suorum sanguine occu-
passet, sed simul sibi gratulabatur, quod si incolarū
fluxisset sangvis, sine culpā suā fluxisset. Bellis-
simē enim is & ipsa oppidi ruina acceptatione cle-
mentiae oblatae, multo magis autem maturo ejusdē
desiderio redimi atq; averti potuisset. Sed pars
oppidanorū cum & ignes & victorē militem prae-
valescere videret, receperat sese cum milite prae-
sidiario in Castellum. Ubi pleriq; equidem pri-
mum victoris gladii fervorem effugere. At cum
illic aquā mox destituerentur, & pariter à Cæsa-
reanis se circumfesos, cæteros vero victores jam
pariter ingruere viderent, Tribunum primo suum
hortari cæperunt, ut deditione spontaneā extre-
ma præverteret, cum is abnueret, Cæsareanis a-
peruere portas, Tribunus vero ex turris cujusdam
latibulo protractus, cum viginti aliis militiae ante-
signanis, gregariis centum octoginta, tormentis
triginta quatuor, in potestatem venit victoris.

Atq; ad hunc quidem modum brevi temporis spatio recuperatum est Grudentum, iisdem Serenisissimi Regis nostri auspiciis, Duce etiam eodem, quo ante hæc Thorunium, sed fato non eodem. Thorunium enim integrum ferè, aut certè non nisi paucis cicatricibus deforme, hoc verò miserrimum & vix nisi parvis sui reliquiis è cineribus emicans, sub imperium Domini sui rediit. Victoriæ cursum profecuturus Magnus Mareschallus non multò post ducit exercitum versus Mariæburgum, principem olim Cruciferorum sedem, nunc pariter hostis primum & receptum & penarium. Undiq; enim locus iste feracissimis præpinguium insularum agris circumdatus, haurire inde consuevit ubertatis opimum, quale in his terris quæri aut optari potest maximum. Arce porro protegitur, quæ murorum operumq; robore paucas habere pares putatur. Illustrissimus igitur Regni Campiq; Mareschallus re sese maximè arduam, nec modici temporis, aggredi gnarus, primò omnium loco illi promptuarium annonæ, gemmam Cereris, Insulam majorem, eripiendam putavit: ita simul id, quod hostem præcipuè hætenus paviset, in sui militis alimentum conversurus. Id agitans prima ca-

stra ad

stra a
apice
rus. I
tia lab
ritas
lites,
nore
stror
um a
tum
tã nō
ut, du
rent
am lo
destin
ctore
tanto
Venō
nis re
ctand
gnari
Sequi
Cate

stra ad Album montem posuit, ab ipso Insulæ velut
apice, cui mons ille imminet, opus suum auspicaturus.
Ingens in ipso, uti antea semper, ita hic tolerantia
laboris, parsimonia somni, cura disciplinæ, autoritas
apud suos pariter exterosq; liberalitas erga milites,
amor apud omnes, (sed incorrupto Ducis honore) eluxit,
maxima inprimis & per omnes castrorum sinus,
perq; Prussiam totam & in ipsa hostium arcana
sefe porrigens vigilantia. Cæterum ut tum vires
hostis distraherentur, habitâ nō perfunctoriâ
consultatione, conclusit Princeps, ut, dum copię
Polonicæ dicto illi Insulæ apici instarent manumq;
injicerent, Electorales alibi, suo etiam loco
Gedanenses nostri irrumperent in Insulam,
destinatos huc â Mareschallo magni nominis
Ductores, Butlerum inprimis, comitati. Erat
molimini tanto designatus dies Septembris
vigessimus sextus. Venêre nostri ad locum
destinatum, & quia machinis rebusq; neces-
sariis instructi venerant, nil cunctandum
rati, & jam socios operis non procul abesse
gnari, trajiciunt flumen, hosti prorsus inobservati.
Sequitur eâdem nocte copiarum Polonicarum pars.
Cæteri quoq; postea, quantum per objecta impedi-
menta

menta licuit, acceleravère. Nam aliquorum festinationem venti adversi retardarunt. Juxta verò, tempore eodem, Supremus Mareschallus ad ipsum Mariæburgum turmas Cæsareas Polonicasq; miserat, quæ facto in suburbium impetu, hostem laudabili diversione distraxère. Tot milium pugnatorum in Insulam ingressus ut prudentiam ita fidem hostium superavit, eòq; major inter illos terror ortus, qui dispersas per Insulam copias ipsorum subitò in unum concivit. Cumq; in Montaviense Insulæ Caput, præsens ipse & ubiq; pervigil Mareschallus, cum suis, omni nisu, terrâ & aquâ incumberet, tandem hostis tantis sese impugnationibus imparem videns, & abiis, qui alibi Insulam intraverant, tergo suo metuens, dictum illud Caput ultrò deseruit. Ita magnum magni Mareschalli molimen, singulari Dei gratia, sub Serenissimi Regis auspiciis, spe omni & majorem & celeriolem habuit successum. Neq; enim quisquam & nec ipse qui Princeps consilii & autor fuit, crediderat, tam properè & adeò citra sanguinem, tam delicatâ sui nutrice Insulâ cessurum hostem. Cessit en, urgente eum fato suo, cessit, & nullâ

nullâ in apertis camporum aut pugnâ aut velitati-
one tentatâ, tribus se claustris Elbingæ, Mariæbur-
go, Haupto passus est includi. Nam & Dersa-
viam, vicinum nobis oppidum, & ex quo, superio-
ri hieme magnâ ferociâ nobis insultaverat, ad pri-
mam mox Grudento venientis supremi Mareschal-
li famam, deseruit, & paulo ante Stargardiæ quoq;
egregio Pomerellæ municipio, post multiplices de-
peculationes, invitus quidem, sed deprehendi à
Polonis metuens, valedixerat: omni adeò operæ
pretio, quod prior hyems illi dedisse videbatur, bre-
vi tempore privatus. Sed Imperator Exercitûs Ma-
reschallus, non ignarus, magnâ hostilium copia-
rum parte inessum teneri Mariæburgum, hoc il-
lis Pergamum, hanc quasi Arcem Tarpejam esse,
protenus equidem locum hunc arctissimâ indagine,
ac plena in orbem obsidione circumsepire optavit.
Sed ea res exercitum multo maximum require-
bat. Longo admodum spatio secundum Nogati
fluminis ripam extenditur oppidum: non minus
longo porrigitur Arx, tam vasta ut ampli satis op-
pidi superet, certè æquet magnitudinem. Ut ple-
num & numeris suis omnibus perfectum obsidium
E foret,

foret, potens esse debebat utriusq; ripæ, & nempe
ultra citraq; Nogatum toti illi oppidi Arcisq; com-
pagi circumfundendus exercitus erat, quò ita ab
Elbingâ Stumâ aliisq; hostium locis viæ omnes in-
tercluderentur, omnis ei pabulandi, omnis excur-
rendi præcideretur facultas. Nemo præterea non
videbat, multorum mensium hoc opus fore, quia
loco ad prodigium usq; munito sufficiens militum
numerus, militibus prudens & bello plurimū specta-
tus gubernator, abundans præterea alimentorum
copia aderat. Sed Ducem ad maxima quæq; na-
tum eductumq; difficultates rerum non absterrent,
sed acuunt.

Interim quod magnitudinem Ducis minimè gen-
tium superabat, superabat magnitudinem exercitûs.
Etsi enim hic & strenuissimus & mole non parvus,
minor tamen numero erat, quam ut pro longitudi-
ne loci extendi posset, minor, quam ut utramq; ri-
pam obsepire custodiis, & omnia oppidi Arcisq; la-
tera opere consummato circumdare posset. Neq;
enim solitis & ordinariis Regni viribus succinctus
venerat Dux: & frustra diu expectavit supplemen-
ta, quæ infelix confœderatio morabatur: & jam fa-

cilis

cilis
quo
cum
futu
(fate
rat:
duft
omn
penu
quan
que
obfi
dem
pate
onib
exir
fius
Ibi
cent
No
tum
tand
labe

cilis conjectura erat, non ventura illa eo numero, quo oportebat, ventura itidem tardè, & tum demū, cum in terrâ desolatissimâ copia alimentorum defutura esset militi. Non enim huic ita, ut fas erat, (fatendum est enim) liberalitas publica prospexerat: suo plurimum Dux ingenio, suâ ope, curâ, industriâ procurabat annonam, quâ poterat: vid ns omnino, majore sibi longè contentione adversus penuriam victûs pugnandum esse, quàm cum hoste, quantumvis acri, quantumvis potente. Ex his itaque causis cum locus tam spatiosus justâ undiquaq; obsidione circumveniri non posset, faciendis equidem ultra Nogatum excursionibus, structo ponte patefactus est campus, & hunc perpetuis infestationibus ita frequentavit equitatus noster, ut hosti exire vix unquam liceret impunè. Cæterum ipsius veræ obsidionis terrore citra Nogatum stetit. Ibi castra longè latèq; circumposita, ibi structis decentissimâ & arte & industriâ accessibus, ita prope Nostri hostium se admovêre propugnaculis, ita tum in pontem tum in oppidum fulminavêre, ut tandem cives inter injectos perpetuò ignes, inter il labentes undique globorum immanium nimbos,

vitam suam non ampliùs credere ædibus auderent, sed in Arcem pleriq; se & sua reciperent. Summâ profecto virtute, etsi inter magnas annonæ difficultates processit obsidio, & nihil omnino earum rerum omissum est, quæ à Magno Duce, quæ à prælustri Regni Vexillifero, à generalibus præfectis, Strenuissimis Tribunis & Ductoribus, quæ deniq; à forti, industrioq; milite requiri aut expectari solent.

Cæterùm omnium magni Mareschalli consiliorum caput tumerat, Insulam feliciter occupatam, fortiter tueri, & Vistulæ imprimis, prout auspiciatò gloriosèq; coepisset, plenâ restituere libertatem. Hoc enim non Prussiæ solùm, nec Poloniae modò, sed Europæ totius nutricao vindicato, ingens assidui laboris & pervigiliorum suorum pretium ablaturus erat, toti autem Reipubl. tale præstaturus beneficiũ, quali toto hoc bello majus & gloriosius non posset. Atq; idcirco, cum ab hoste flumen istud non nisi uno adhuc fræno teneri sciret, hoc imprimis rumpendum excutiendumq; putavit. Quisq; sagacium facillimè assequitur, de Hauptome loqui, castello prioribus jam bellis celebratissimo, nunc autem ab hoste, ævum forsitan hîc age-

re cogitante, ad miraculū usq; munito. Certè Ars
& Natura ibi certasse, & quicquid utraq; ad loci
cujusquam robur afferre potest, huc videtur impen-
disse. Procurrunt omni ex latere altissima valla,
eademq; angularibus undiquaq; propugnaculis va-
lidissimè præcincta. Vistula affundit sese lateribus,
sed facta aquarum divortio ita bipartitus, ut gemi-
no quasi brachio locum amplectatur defendatq;.
Quâ parte aquam Natura negaverat, ductâ per
transversum fossâ labor accersivit, secutusq; artis in-
geniū fluvius insulam efficit, ubi non fuit. Fossæ
quoq; ipsi multa magnæ molis anteposita opera ob-
sessuris maximas moras objiciunt. Illud porro
brachium, quod ad Urbem nostram amicissimus
porrigit fluvius, ducto jam dudum ab hostibus per
medias aquas aggere, ita quasi ligatum est, ut nihil
Civitati nostræ, nihil obsidentium castris polliceri
aut dare subsidii posset. Paulo superius autem idem
brachium, dejectis ab hoste aggeribus nudatum, a-
pertis omnibus quasi venis, in Insulam nostram &
ad ipsa Urbis mænia tantum aquarum profundit, ut
novum veluti mare nos circum fluere videatur. Al-
terum fluminis brachium structa ab hoste ad ripam

opera validissimis pariter vinculis implicuere. Utrâque verò ripam idem hostis ponte junxerat, ut ita tergo suo miser fluvijs iniquos Dominos, ipsaq; servitutis suæ alimenta, & læva libertatis venena portare cogeretur. Pontis enim istius beneficio non ex insulâ tantum majore sed Mariæburgo quoq; & Elbingâ petere poterat loci gubernator, quicquid desideraret. Et profecto irritus erat omnis obsidere volentium conatus, nisi pons iste destructus, & omnis in Insulam trajectus esset interclusus. Pro utroq; acerrimè pugnabat hostis, non nescius, his quasi spiraculis animam loci istius trahi. At in Insulâ repurgandâ uti jam dudum missæ ab Illustrissimo Mareschallo copix egregiam navaverant operam, ita nunc quoq; nobis minimè defuere. Certè enim cum Suecis ex ipso hoc Haupto erumpentibus & munitionum suarum, passim istic sparsarum, beneficio usis, fortissimè pugnarunt, peditatu tandem, cum omnem jam pyrium pulverem absumisisset, laboraturo, nisi insignis Ductoris industria repente subsidium adduxisset. Nostrorum pariter ut primi sic vehementissimi circa pontem & apposita illi munimenta conatus fuere. Hosti profecto, omni

vi suâ irruenti, nobili virtute restiterunt ; adeo & fortiter & feliciter, uti alibi, sic intra obvia horti septa, quæ fors dederat, cum illo luctati, ac si intra muros ac valla stetissent. Sed hæc ut & cætera suo tempore curatius edisseret historia, omnibus singulisq; decus suum pro merito cuiusq;, ex vero, admensura. Cum Octobri, ut brevissimè rem complectar, cæpit hæc obsidio, magnâ & memorabili fiducia Urbis, cum satis liquidò constaret, pro loco isto, quem tot annorum, tot sumptuum, tot laborum impendio, hostis firmasset, & unde toti Neringiæ, omniq; Vistulæ leges dedisset, non segniùs quàm pro aris & focis pugnaturum, Sed animabat Urbem spes posita in Deo, qui ut ante inter summa discrimina, inter desperatas Prussiæ, prope & Poloniæ res, inter accisas domi opes, inter aquarum ab hoste immissarum diluvia, inter ignes & gladios circumfulgentes, breviter ut dicam, inter malleum & saxum, inter Scyllam & Charybdin, fidem nostram integram, & animos imperterritos servaverat, ita porrò pro optimâ causâ, pro Regia Majestate, pro publico egregio, pro fide, libertate, fortunâ nostrâ pugnantibus bona consilia, pectora mascula-

mascula, vires sumptui laboriq; ferendo pares, prosperumq; adeò arduorum moliminum largiturus esset successum. Animabat præterea S. Reg. Mris. Utriusq; favor, qui ex insitâ ipsis erga subditos fideles benignitate, nobis, in re maximè & arduâ & honestâ & utili versantibus, minimè defuturus credebatur. Animabat proximè, Illustrissimi Mareschalli ejusdemq; exercituum Ducis benevolentia, qui causam propriam publicamq; agentibus, nunc verò Caput, unde nervi & opes Reipubl, magnam partem dependerent, asserere conaturis, manû auxiliarem & porrexerat jam benignissimè, & deinceps non negaturus erat. Nec profectò illam unquam nobis negavit. Nam & validam Cæsareani Poloniq; exercitus legionem sub prælustis Baronis Ratsechini regimine in subsidium misit, & ipse, qua in recardo negotii totius vertebatur, hostem intra Mariæburgû, Elbingam, & cætera septa ita fortiter conclusum tenuit, ut nullo postea incurso institutum nostrum turbare, nulla ope præsidariis intra Hauptum clausis subvenire potuerit.

Interim Urbs quoq; nostra tanto Patrocinio freta, capto suo omni virium suarum nisu incubuit.

Nihil

Nihilin se passi sunt desiderari Magnifici Urbis
Primores, nihil nobilissimus tum Urbis, tum bellici
Consilii Præses, nihil collegæ ejus amplissimi specta-
tissimiq; qui omnes sanè diu noctuq; invigilarunt
operi, necessariaq; omnia summâ cura, dexteritate,
& prudentiâ procurarunt, aliqui etiam eum in finem
toto hoc obsidii tempore, in castris versati sunt, va-
riarum & incommoditatum & æruinarum parti-
cipes. Conspiravit ad idem opus universa Urbs,
civiumq; alii missis ad Deum votis, alii sumptibus
& armis rem juvêrunt, pleriq; certè, ne miles ibi
necessarius custodiis urbanis distineretur, ipsimet
tot mensibus, dirigente S^a. Reg. Maj. Illust. Burggra-
bio & nobilissimis Collegis ejus, excubias diurnas
nocturnasq; pro mænibus suis, omnibusq; Urbis
munimentis, egêrunt. Dignus est insigni laudis
adorea generosus & præstrenuus Tribunus noster
qui operas militares prudentissimè distribuit, ipse ex-
emplū laboris, exemplū virtutis, qui tot accessuū sug-
gestuumq; bellicorū fabricas ingeniosâ machinatorū
Martiorum solertiâ extruxit, qui lustravit, direxit, ur-
sit omnia impiger & indefessus, Digni etiam glo-
riâ, qui à Tribuno proximi, digni reliqui omnes

Ductores, quorum alii occupatis munimentis, alii
aliis facinoribus editis, cuncti verò insigni vitæ con-
temptu de publico bene meruere, Digna præmiis
militia universa, quæ inter autumnii & hyemis in-
gruentis aspera, sub pellibus, sub Dio, sine mur-
mure egit, nullumq; unquam laborem, nullum peri-
culum recusavit. Ad hunc modum potita est vo-
to suo Civitas, hostis retibus propriis inclusus cap-
tusq; superata tot opera & munimenta, Castrum
deniq; ipsum in potestatem Urbis, ipsiusq; adeò Se-
renissimi Regis rediit, quem singularis cæli favor
hoc ipso tempore, non in hanc modo Urbem su-
am, sed in ipsa quoq; Castra feliciter deduxit, ut
& terrore maturaret deditiōem, & faustissimā
Majestatis suæ præsentia totum opus coronaret. Sic
itaq; magno magni Reip. Corporis Capiti minus
Caput se submisit, ita idem hoc corpori suo restitutum
est: restitutum simul Neringianæ insulæ asy-
lum securitatis, soluta, quam hostes Vistulæ injece-
rant, catena servitutis, apertus Cereri Polonæ, da-
tus commerciis liber cursus, reſeratum nobis veris-
simum Copiæ cornu. Hosti contra magnum militiæ
suæ robur, magnum prædarum receptaculum, uber-
rimum

rimum annonæ horreum, dicam amplius, magnum
causæ totius præsidium præcipuumq; quod in Prus-
sia habuit, bonæ spei Caput quodammodo præci-
sum est. Non equidem parvo nobis constitit victo-
ria, multis ærumnis, discriminibus, sumptibus, mul-
tis etiam vulneribus, sanguinisq; impendiis empta
est. Interim non piget armorum quibus suus con-
stat fructus, non piget molestiarum, quas optati fi-
nis præmium solatur: non poenitet sanguinis, quan-
do terram, pro quâ fusus est, tenemus. Hæret jam
hostis intra duarum tantum Urbium angustias, eò
nimirū, quod præfiscini dixerim, felicibus Serenissi-
mi Regis auspiciis, eò fortibus Inclyti Mareschalli
armis redactus, ut viam se servandi vix nisi à pace
sperare posse videatur.

Sed mihi ad proxima & novissima Dei bene-
ficia delapso reflectere non nihil cursum necesse est,
& quæ ejusdem Dei benignitas in vicinis Sociisq; no-
stris præstitit nobis, breviter memorare. Ac pri-
mum in Curlandiam aliquantisper redeundum est.
In quâ equidem Moschus, Lithuanicas distinens co-
pias, proclives aliquandiu Duglassio fecit progressus;
sed & ita tamen proclives, ut subinde eos aliqua cla-

dium mixtura interpellaret. Possem, si tempus permitteret, memorare insignem jacturam, quam dudum fecit hostis, cum à magni generis, nominisq; ductore Michaelē Pacio, Palatinide, tum Tribuno primario, nunc Castrorum Magni Ducatus Lithuaniae praefecto profligatus est Columba, Tribunus hostilis, cum Uxelius Vice tribunus captus, Vrangeli junior cæsus, & omnes illorum copiae aut prostratae, aut in fugam, vel vincula actae sunt. Possem referre, quā felicitate Libnicus Tribunus alterum Vrangeli Vice-Tribunum fuderit ad Janiczky oppidum, quā item dexteritate & fortitudine celebratissimus ille nominati ante Castrorum Praefecti decessor Comorovius, postquam Moscho feliciter fugato inducias extorsisset, Duglassio ad Würtziana auxilia intercluserit viam: tum eundem Columbam, quem ex priori clade superstitem fortuna servaverat, ut jam denuò vinci posset, ceciderit. Possem adungere oppressas à Nobili illo Gosieviano ductore Svartzhofio, & Joanne Lubeko suppetias, quibus Duglassum Aderkasius Tribunus, multis aliis ductoribus, & plusquam mille equitibus commitatus sublevatum ibat, captus ipse tum ad Baus-

cum

25
cum in conflictu, & unâ cum plerisq; Comitibus
suis, quotquot victorem gladium effugerant, Var-
savianam deductus, non minus clementem ibi Re-
gem experturus, quam inclementem belli fortunam
fuerat expertus. Possem attexere Mitaviam, prima-
riam Curlandiæ Civitatem, quâ eandem à Como-
rovio Duce missus Svartzhofius, & ejus Comes
Lubecus admirabili celeritate occupavit, non unâ
dignus uterq; laurea, cum eâdem, quâ plurimis ho-
stium vincula tum injecere, manu, libertatem cap-
tivis Curlandiæ Proceribus restituerunt. Inprimis
verò egregium nobis excurrendi campum præbe-
ret Neuenburgum, quod Generosissimæ Virtutis
Palatinides Polubinskius, exercituum Magni Duca-
tus Lithuaniae Notarius expugnavit, & mox Gol-
dinga, tum temporis hosti cedenti præcipuus recep-
tus. Sed ipsum equidem oppidum fortibus Ducto-
rum nostrorum, tum Electoralium Schönaichii, &
Polensii facile cessit armis. Arcem tot illi à Dug-
lassio relictis Ductores & copioso milite, & magna vi
impedimentorum spoliisque impleverant, animis
in extremorum omnium patientiam obfirmati. Ne-
que vero machinis, ut solet, res acta est; cum nul-

la ad tantum opus idoneæ adessent. Constantia
nostrorum obsessos ad famem, famem ad deditioem
coegit: ita ut mille quingenti circiter homines cum
Ductoribus suis, cumq; uberrimâ præda venerint
ibi in manus Victorum. Sed & durante obsidio,
cum Douglasius, factâ in Samogitiam excursione
abstrahere obsessores conaretur, populatrices ejus
turmae à Pacio, & Kmitzitzo, quem Polubinskius
miserat, insigni clade multatae sunt. Exin nullo
loco consistere potuit hostis, persequente illum ad
ipsos Livoniae fines Pacio, aliis oppida Curlandiae li-
berantibus à manu hostili. Recepta Vindavia,
Scronda, Lubavia. Nec nisi tres Arces retinuit
hostis, quas & ipsas tamen jam tum cingi coeptas
duo militiae Lithuanæ, post ipsos Duces, decora Po-
lubinskius, & Pacius in hunc usq; diem, magnâ opti-
mi successus spe tenent obsessas.*

* Cum ista publice dicerentur
erat XIII. Jan. Quatriduo ante,
Mitaviensis arx, præcipua Du-
cum sedes, à Polubinscio, cui
duo millia peditum in auxiliū
miserat Pacius, occupata est, de-

Tum vero inter alia Grubi-
num etiam, quod ad vim susti-
nendam præ aliis armaverat ho-
stis, ab Illustrissimo Principe
Radzivillio Prussiae Electoralis
nunc Gubernatore oppugnatū,

præ-

atq;

atq; intra dies quatuor, fortem
inter alios operam adnavante
Paterfonio Tribuno, expugna-
tum est. Qui idem Dux ex
Curlandiâ in Prussiam revoca-
tus (huc enim oratio quoq; mea
jam redit) repentino in ipsa
Elbingæ suburbia insultu tanta dedit dam-
na hosti, & juxta eum terrorem iniecit, ut is
improviso aliquo dolo se proditum ratus nec egre-
di manibus auderet, nec intra mœnia se tutum exi-
stimaret. Paulo ante autem idem hostis ab Illustri-
ssimi Regni Campiq; Mareschalli equitatu non le-
vi ictu in fugam erat compulsus; cum egregius du-
ctor Czaplicius in Varmiam, jussu Ducis tendens,
submissis quinquaginta equitibus, omnem equitatum
hostilem ipsumq; Gubernatorem militiæ eliciisset,
mox omni vi eundem adortus, conturbasset ordi-
nes, cæsisq; quam plurimis, captis non paucis, reli-
quis ad ipsa usq; mœnia institisset.

Sed eodem tempore rem insignem & ad sum-
mam belli haud parum profecto facientem ipse ter-
ror armorum Poloniæ, atq; ipsa Magni Mareschalli au-
tori-

dente eam, cum alteram sibi
imminere aggressionem senti-
ret, Suecico Generali Vigilum
præfecto, atq; inde una cum
ducentis octoginta validis mi-
litibus, agris centum quinquaginta, ita ut pactus erat, Rigā
tendente.

toritas sine sanguine confecit. Brodniciam enim ad spontaneam deditionem coëgit, Oppidum ingenio sitis validissimum, & jam ante bellis veteribus nobilitatum. Nunc verò Tribunus hostilis, jam dudum machinali scientiâ Serenissimo Regi & Regno, cui servierat, notus; mirificè id contra Regem & Regnum permunierat, defenderatq; ad hoc usq; tempus; sed cum tandem longius se à suis & à spe subsidii remotum, missas verò ab Illustrissimo Mareschallo turmas sibi propius jam incubare videret, maluit tandem æquis conditionibus exitum pacisci, quam irritâ obstinatione præstolari extrema. Ille igitur, habito colloquio cum illustri emeritoq; Tribuno Ioanne Dönhofio, Præfecto Stargardiensi, quem Magnus Mareschallus ideò miserat, locum extremum, locum inter firmissima Prussiæ præsidia numerandum, Serenissimi Regis nostri obsequio reddidit.

Propè jam timere incipio, ne prolixitate mea tantî Auditorii patientiâ nimis intemperanter videar abuti, Sed decurrit jam dictio nostra unâ cum Anno suo ad finē, nec nisi paucissima restant ad imponendam proposito nostro coronidem. Ac primum

levi admodum brachio attingamea, quæ ultra Bory-
sthenem gesta sunt. Ubi Cosaci, anno superiore
Reip. nostræ reconciliati, ductore Vihovio, Palati-
no Kioviensi, adjutore Chano Tartarico, nostro
etiam auxiliante Equitatu, egregiam de Moscis, ad
Conotopum, victoriam reportaverê. Ad quindecim
enim millia hominû, ac præter cæteros omnis ordi-
nis & farinæ milites, ductoresq; duo præcipui hosti-
um Duces, Pozarski & Leo perierunt. Ipse supremus
Dux militiæ Romadanovius diu pro cæso habitus, æ-
gerrimâ fugâ evasit. Trubecius alter Dux, & paulo
ante Conotopiensis oppidi, atq; in eo Vlanovii egre-
gii Cosacorû Ductoris obsessor, copias perpetuis tam
Scytharum, quam Cosacorum incurfibus laceratas,
cum summo discrimine, Putivlum, primum Mosco-
rum in illo tractu oppidum, fugienti quam dimicanti
similior, reduxit. Exin Cosaci in finitimas Mosco-
viæ ditiones, Tartari verò in penitissima vasti illius
Dominatûs viscera sese infudêre, ad ipsam usq; prin-
cipis ibi Urbis viciniam ferro & igne longè lateq; po-
pulati omnia, & deniq; cû incredibili prædâ & innu-
merâ hominû captivorû multitudine domû impunè

G

&

& secure reversi. A Borysthene ad Balticū mare,
magno quidē, sed innoxio nec injucundo saltu tra-
jicimus. Res, quæ ibi novissimè gesta est, ut est maxi-
mi momenti, ita occupatos usq; tenet animos Orbis,
& commemoratione ejus omnia prope com-
pita nuper personuere. Ingens profectò victoriæ i-
stic prodigiū, ingens Orbi spectaculū, Socia nobis
Dania & in primis Fionia præbuit. Quando Insu-
la ista intra triduum, à duobus Serenisimi Daniae
Regis Ducibus, sed juvantibus plurimū Confoe-
deratis, occupata est universa. Quando om-
nis exercitus hostilis, Septem penè millium capitum,
exercitus veterano milite, veteranis Ducibus ducto-
ribusq; constans, ipso die, qui Serenisimo Regi Da-
niae nominalis erat, prælio victus, duo millia suorum
desideravit, mox omnis undiquaq; circumfessus, de-
ditione spontaneâ arbitrio victorum totus cecidit. Ob-
stupuit ista audiens nuper Orbis, sed pariter eadem
referens Oratio stupescit quodā modo, neq; par est
dignè evolvere nomina captorū, Principū, Comitū,
aliorumq; omnis generis Ducum, Tribunorumq;
celebrium. Strepit per tot annorum tractus commis-

Ita inter se Europa bellis ferè continuis; at omnibus
his bellis majorem cladem, aut similem huic victo-
riam non facilè quisquam meminit. Sed ad rem tan-
tam ut dixi, non modicū Batavi Fæderati, terrà ma-
riq;, ductu Reiteri, Vice-Thalasfiarchi, aliorumque
fortissimorum virorum, contulère: contulère item
reliqui auxiliares exercitus, & inter alios Polonicus
noster. Jam dudum is sub Illustrissimis fortissimis-
que Palatinis Russiæ & Podlachia, cæterisq;, Comi-
tibus, Aquilas Sarmaticas per campos & maria Cim-
brorum prosperrimè duxerat, positis ubiq; Virtutis
Polonæ victricibus laureis & trophæis gloriæ. Nunc
postquam major ejusdem pars in Patriam cum Du-
cibus suis remeasset, relictis istis fuerunt mille bellato-
res, qui sub illustris Tribuni Casimiri Piasiecinii re-
gimine, bello Danico, cum foederatis cæteris, colo-
phonem forti & gloriosâ manu, Deo volente, im-
ponerent. Navigarunt isti cum aliis in Fioniam: &
ipso adventu suo mirificè terruère hostem, adeo ut
ad frameas Polonas, nondum tam in manibus, quàm
in ore se mutuo cohortantiū sonantes, insula tremi-
sceret, & postea, cum ad pugnam ventum est, non

aliunde illa plus cruoris, quàm ex manibus Polono-
rum hausit. Sed erat in fatis, ut generosus ille bel-
tor Piaſecinius, dum ardentissime pugnat, morte ſuâ
eandem & Inſulam & Victoriâ nobilitaret: militi-
bus ſuis primo virtutis exemplum, poſtea ſtimulus
vindictæ; nam eò acrius præliati ſunt, poſtquàm Ducē
ſuum amiſſent. Toties vir nobiliſſimus in Patriâ
contra Tartaros, Coſacos, Svecos, dimicaverat, for-
titer ubiq; & tum hoſtili, tū ſuo ſanguine non cru-
entus magis, quàm decorus. Sed tot illis pulcherri-
mis vulneribus animâ in patriâ effundere non po-
tuit, non debuit, qui hoſtem patriæ, longè extra pa-
triâ perſequi debebat, qui gloriâ Poloniæ ſub Czar-
necio Duce ad intimos Cimbrorum reſſus de-
ferre, & trophæa Sarmatica in finibus illis renova-
re, in quibus olim à primo Poloniæ Rege erant loca-
ta. Cecidiſti igitur, fortiſſime Piaſecini, in terrâ,
pro quâ pugnaſti, cecidiſti victor, & victoriæ preti-
um Inſulam, penè & Daniam ipſam, cum aliis glo-
riæ tuæ ſociis, Regi fæderato moriens reddidiſti.
Cæterum cum corpore tuo fama tua non cecidit, in
ipſâ illâ, quæ cadentem excepit, arenâ viſceſcet. So-
nabunt

nabunt eam annales patrii, sonabunt peregrini, nec modicum nobilissimæ familiæ tuæ decuserit, Fioniam Danorum victoriam, inter plurimas magnorum hominum cædes & vincula, Piasicini quoque vitâ emptam esse. Cæterū quod ad victoriā ipsam attinet, nolo nunc eā operosè recensendā diutius morari tam Illustre auditorium; cū res istæ jam sint declamatisimæ, & narratione earum ubiq; adhuc hominum linguæ & aures caleant.

Utinam si bella dicenda erant, inter barbaras omnino gentes, citra sanguinis Christiani profusionem gesta dicere possemus. Sed nimirum rebellis ille Deo, ille hominibus inimicus Spiritus adeo bonam mentem excantavit Christianis, ut in mutua & cognata viscera sævire, quàm suis rebus contenti pacem colere malint. Lacesuntur Reges à Regibus, Sceptrum Sceptro illiditur, madent cruore Regna, vomit Oceanus cadavera, fumant Urbes incendiis, aut intra cineres suos jacent sepultæ; agri in vepreta, arces in rudera, templa in ferarum spelæa abeunt, pietas, justitia, castitas vana nomina sunt, vis, avaritia, crudelitas, libido & omne scelerum ge-

nus superbè & impunè dominatur. O quàm acer-
ba, quàm tristia hæc argumenta sunt dicere vel scri-
bere volentibus! Quanto gloriosius, quanto svavi-
us foret, Templis sanctitatē, Curii & Tribunalibus
justiciā, agros colonis, colonos penatibus, fora & por-
tus commerciis, florē Civitatibus, Musis honorem,
virtuti decus, meritis præmia vel servata vel reddi-
ta memorare! Sed sperari hæc felicitas non potest,
nisi bellis non necessariis, iniquis, impiis bellum in-
dicatur publicā Regum Principumq; consensione,
nisi pax bonis legibus fundata, & rectæ disciplinæ
regimini innixa redeat. Vir togatus hoc loquor, &
qui bella scribere teneor, non teneor amare. Unde
adeò pacem animitus opto, quanquam non præcipi-
tem, nec nisi gloriosam, nisi æquam, & securam.
Cæterum, quod Deus Opt. Max. felix & fortuna-
tum esse jubeat, novum jam & admirandum Pacis
Astrum nuper in Occidente emicuit. Astrum ingens,
& siquid judicare possum, inter Divina pariter an-
ni, quem emensi sumus, beneficia meritò numeran-
dum. Nec peccabo forsan, si id aliquo modo simile
illi esse stellæ dixero, quæ tres ab Oriente Reges ad

cunas

cunas Dei servatoris excivit. Nam & hæc profecto
stella index fuit altissimæ pacis, quæ sub Augusto Ca-
sare illuxerat Orbi, duxitq; Magos ad Dominum pa-
cis, ad Regem illum, cui nuper nato Angeli ipsi, æ-
litus delapsi, hymnum pacis, coram Pastoribus, ac-
cinuerant. Omnium istarum rerum memoriâ Templum uni-
versa religione publicâ celebrant his diebus, quibus
ad condendum Pacis templum, Illustris. Legati, acce-
ditis. Filii pacis bonum inde omen capiunt, Astriq; il-
lius nuper orti radios ad Septentrionem quoq; nostrum
pertinere existimant, & quia magnæ illæ occidentis
Sphæræ procul jacere vim suam amant, multi Augusteum
sibi in Europam seculum polliceri audent. Non minus
quoq; lætum illis augurium OLIVÆ templum præbet,
Cum olim Rex pacis, Dominus & servator Orbis,
Hierosolymam, Urbem à pace nomen habentem ten-
deret, prius ad montem Olivarum venit. Inde ad
peragendum pacis sacrificium inter lætas populi ac-
clamations, inter strata passim vestimenta, verus
Melchisedecus, verus Salomon, intravit. Olim quo-
que cum Nehemias Urbem sanctam tristissimam Baby-
lonicam Captivitate everfam aut labefactam instaura-
ret

ret, festum tabernaculorum instituit, & ad struenda tabernacula exire populum in montana, atq; interalia, ramos Olivarum afferre iussit. Vtrobique lætum illud Hosanna, hoc est, serva quæso, ingeminabatur. Nos bonis ominibus, utcumque res eeciderit, nihil peccari posse rati, Deum Opt. Max. veneramur supplices, ut quemadmodum olim suspensio cælitus astro Regibus domum ostendit, in quâ noviter natus Evangelicæ pacis princeps jaceret, ita nunc illustrare animos & dirigere oculos velit, quò videant, ubi & quomodo salutare illud & diu optatum pacis bonum inveniri queat. O ex cælesti tandem Olivarum monte maximum propitii Dei munus, tranquillitas publica ad nos descendat: en manus piorum paratæ sunt substernere vestimenta sua ad molliendam tanto Hospiti viam: paratæ sunt portare ramos olivæ ad struendum illi tabernaculum. Parturiunt templa Dei altissimi, parturiunt templa Musarum lætissimum Hosanna. Tu ô Sancte Spiritus, qui olim in specie columbæ descendisti super æternum pacis Magistrum, descende super Regum Orbis Ministros, fac, ut iidem isti nobis Nuncii pacis esse possint: & quemadmodum tuo olim ductu, Sanctissimo Noæ, inter aquas diluvii tot mensibus jactato, columba tandem ramum Olivæ, in reslorescentis terræ signum, attulit: ita nobis per tot annos inter sævissimas bellorum tempestates mirificè quasatis, Tu, ô germana ô æterna pacis Columba, apporta verum, salutarem, & perennaturum felicis Olivæ ramum, Pacem!


D I X I,

Quam occupato alibi Authore festinavit præsum, subrepsere errores, omisi alicubi tituli, ejecta vel transjecta vocabula, distinctiones conturbata: quibus omnibus corrigendis quia locus jam non est, quod major locus est tua, lector, benignitati & venie.



ber-
os O-
hoc
s. ut-
Opt.
pen-
viter
trare
quo-
eniri
num
scen-
menta
orta-
rturi-
læris-
n spe-
trum,
ti no-
olim
sibus
centis
vissi-
mana
m,

ejecta vel
non est,



Biblioteka Jagiellońska



stdr0013653

